



Služba za reviziju finansijskog poslovanja

Na osnovu člana 14. stav (1) Zakona o finansiranju političkih stranaka («Službeni glasnik BiH» broj 22/00 i 102/09), člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 18. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08) izdajem

IZVJEŠTAJ O REVIZIJI GODIŠNJEG FINANSIJSKOG IZVJEŠTAJA ZA 2008. GODINU HRVATSKIH DEMOKRŠĆANA

Broj: 03-07-6-7/09
Sarajevo, 05. april 2010. godine

SADRŽAJ:

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS REVIZIJE	5
Predmet revizije	5
Cilj revizije.....	5
Obim revizije	5
4. PRETHODNE REVIZIJE	5
5. NALAZI REVIZIJE	5

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je reviziju godišnjeg finansijskih izvještaja **Hrvatskih demokršćana** za 2008. godinu.

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Naša odgovornost je da izrazimo mišljenje na osnovu revizije koju smo izvršili.

Reviziju smo obavili u skladu sa revizijskim standardima. Ovi standardi zahtijevaju da reviziju planiramo i izvršimo na način da prikupimo dovoljno dokaza koji nam, u razumnoj mjeri, pružaju garancije da je stranka postupala u skladu sa Zakonom o finansiranju političkih stranaka.

Revizija je na osnovu uzoraka ispitivala značajne transakcije koje potvrđuju iznose u finansijskom izvještaju, ocjenu računovodstvenih načela prilikom sastavljanja finansijskih izvještaja i postupanje u skladu sa odredbama Zakona o finansiranju političkih stranaka.

Smatramo da revizija koju smo izvršili pruža razumnu osnovu za izražavanje našeg mišljenja.

Prema našem mišljenju, revidirani finansijski izvještaji ukazuju da su Hrvatski demokršćani u 2008. godini postupali u skladu sa Zakonom o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH je izvršila reviziju godišnjeg finansijskog izvještaja Hrvatskih demokršćana za 2008. godinu.

Revizija je preduzeta u skladu sa članom 14. stav (1) Zakona o finansiranju političkih stranaka («Službeni glasnik BiH» broj 22/00), članom 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH», broj: 103/08).

Zbog činjenice da se revizija obavlja provjerama na bazi uzorka i da postoje ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Hrvatski demokršćani su iskazali ukupne prihode u iznosu od 115.291,35 KM, čija struktura je data u sljedećoj tabeli¹:

Red.br.	Vrsta prihoda	Iznos u KM	Učešće u uk.prih. %
1	Članarina	0,00	
2	Prilozi fizičkih lica	0,00	
3	Prilozi pravnih lica	0,00	
4	Prihodi od imovine	0,00	
5	Prihodi od pr.lica	0,00	
6	Prihodi od poklona	4.800,00	4,16%
7	Prihodi iz budžeta	110.468,35	95,82%
	Ostali prihodi	23,00	0,02%
	Ukupni prihodi:	115.291,35	100,00%

U godišnjem finansijskom izvještaju politička stranka je iskazala ukupne rashode u iznosu od 61.268,05 KM.

2. PREDSTAVLJANJE POLITIČKE STRANKE

Naziv političke stranke je Hrvatski demokršćani. Skraćeni naziv stranke je HD. Stranka je registrovana 07.11.1998. godine u Kantonalnom sudu u Mostaru pod brojem R:2/98.

Sjedište Hrvatskih demokršćana je u Mostaru, Sv.L.B.Mandića 10 .

Lica ovlaštena za zastupanje stranke su Ivan Milić, predsjednik stranke i Dario Pandža, glavni tajnik.

Lice ovlašteno za podnošenje finansijskih izvještaja za 2008. godinu je Kevsera Oručević .

Prema podacima iz godišnjeg finansijskog izvještaja za 2008. godinu, organizacionu strukturu Hrvatskih demokršćana čine:

- Vrhovno (krizno) vijeće i
- 3 podružnice.²

¹ Podaci koji su iskazani u tabeli preuzeti su iz dopunjenog godišnjeg finansijskog izvještaja Hrvatskih demokršćana za 2008. godinu čije su dopune Centralnoj izbornoj komisiji BiH dostavljene 12.11.2009. godine.

² Poružnica Mostar, Podružnica Tomislavgrad i Podružnica Neum.

3. OPIS REVIZIJE

Predmet revizije je godišnji finansijski izvještaj za 2008. godinu Hrvatskih demokršćana i to sljedećih organizacionih dijelova:

- Vrhovno (krizno) vijeće,
- Podružnica Mostar i
- Podružnica Tomislavgrad.

Cilj revizije je da se prikupi dovoljno relevantnih dokaza kako bi se moglo izraziti mišljenje o tome da li su Hrvatski demokršćani u izvještajnom periodu postupali u skladu sa odredbama Zakona o finansiranju političkih stranaka.

Obim revizije finansijskih izvještaja Hrvatskih demokršćana obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na nenovčane donacije i prihode iz budžeta.

4. PRETHODNE REVIZIJE

U prethodnom periodu izvršeni su pregledi godišnjeg finansijskog izvještaja Hrvatskih demokršćana za 2005., 2006. i 2007. godinu, nakon kojih su izdati izvještaji o pregledu sa nalazima i mišljenjem revizora. Nakon izvršenog pregleda godišnjeg finansijskog izvještaja za 2007. godinu, u izvještaju o pregledu, stranci je data preporuka da treba postupati u skladu sa odredbama 11. stav (3) Zakona o finansiranju političkih stranaka.

Realizovane preporuke:

Stranka je postupila po preporukama revizije, te otklonila nedostatke u svom finansijskom izvještavanju.

5. NALAZI REVIZIJE

Na osnovu obavljene revizije godišnjeg finansijskog izvještaja za 2008. godinu, nakon što je stranka dobrovoljno otklonila nedostatke u izvještaju,³ nismo zapazili ništa značajno što bi ukazalo na finansiranje ove političke stranke suprotno odredbama Zakona o finansiranju političkih stranaka niti na propuste u izvještavanju u skladu sa članom 11. Zakona o finansiranju političkih stranaka.

Tokom revizije godišnjeg finansijskog izvještaja i druge finansijske dokumentacije Hrvatskih demokršćana za 2008. godinu utvrđeno je da ova politička stranka u svom finansijskom izvještaju, koji je Centralnoj izbornoj komisiji BiH dostavila 01.04.2009. godine, nije iskazala prihod, odnosno nenovčanu donaciju u iznosu od 4.800,00 KM. Stranka je za svoj rad bez naknade koristila poslovni prostor u vlasništvu fizičkog lica, a čija tržišna cijena zakupa za 2008. godinu iznosi 4.800,00 KM.

³ U skladu sa članom 13. stav (3) Zakona o finansiranju političkih stranaka, prije izricanja kazne ili preduzimanja administrativne mjere Centralna izborna komisija BiH će nastojati da postigne da politička stranka za koju je ustanovljeno da je prekršila odredbe ovog zakona, postupi prema tim odredbama.

Postupajući po odredbama člana 13. stav (3) Zakona o finansiranju političkih stranaka, Hrvatski demokršćani su dobrovoljno otklonili nedostatke u godišnjem finansijskom izvještaju za 2008. godinu, odnosno prijavili su nenovčanu donaciju u iznosu od 4.800,00 KM i korigovani izvještaj dostavili Centralnoj izbornoj komisiji BiH 12.11.2009. godine.

Hrvatski demokršćani se nisu očitovali na preliminarni izvještaj o reviziji godišnjeg finansijskog izvještaja za 2008. godinu koji im je dostavljen 01.02.2010. godine.

Zahvaljujemo se osoblju Hrvatskih demokršćana na dobroj i korektnoj saradnji tokom obavljanja revizije finansijskih izvještaja.

Mr. Hasida Gušić, Šef Službe za reviziju, revizor

Veliborka Kravljača, pomoćnik revizora